

ouitaentonk du Bourg de la Conception, se fit Chrestien. Tout le païs est estonné de voir le courage & la constance de cét homme en sa foy, & plus encore son innocence, qui se conferue entiere, au milieu des occasions cōtinuelles qui l'inuitent au peché. Quelques Chrestiens luy demandoient vn iour, comment il pouuoit viure au milieu de tant de dangers, avec vne si grande innocence. Mes freres, leur dist-il, la riuere qui descend d'icy à Quebek n'est [79] rien que precipices, & toutefois nous y faisons peu de naufrages, parce que nous sommes toûjours sur nos gardes, & à chaque pas nous craignons de perdre & nos biens & nos vies: plus qu'un canot est chargé des marchandises precieuses, plus on a l'œil à esquiver les rochers & les goufres qui s'y rencontrent. Depuis que i'ay receu le sainct Baptesme, tout mon thresor est dans mon cœur, & ma foy font mes plus aymables richesses: ie redoute plus le peché, que nous ne craignons les naufrages; à chaque pas ie songe que i'ay beaucoup à perdre, & que ie conduis vn foible vaiffeau, mais chargé toutefois des richesses qui viennent du Ciel; ie preuoy les dangers, ie prie Dieu qu'il m'affiste, ie me desie de moy, & me confie en sa bonté; & iamais ne me croiray en assurance, que ie ne fois arriué dans le Ciel. Qui n'auroit rien, ou peu de chose à perdre, tomberoit assez aisement.

Nous auons commencé cette année durant le Carafme d'exposer à nos Chrestiens l'Euangile de chaque iour, & les fruits nous en ont paru tres-sensibles. Vn bon vieillard ayant entendu l'Euangile de la femme adultere, ne pût pas reprimer ny [80] ses cris, ny ses larmes. Les assistans en sont émeus d'une sainte frayeur: mais ce bon homme ne fon-